

四庫全書

集部

欽定四庫全書

石倉歷代詩選卷四百三十七

明 曹學佺 編

明詩次集卷七十一

樊阜

田間雜咏八首

嘉樹蔭衡門
鳴鳩徧村墅
薄言農務興
力作無男女
晨爨煙未起
驅牛理田圃
茲時若宴嬉
爭得好禾黍
清曉

聞雨過春流漲溪渚小兒學把犁小女亦能杵生理勿嫌微浮榮非我取

其二

素心無外欲衣食無豐腴所願官府賢優游樂畋漁妻兒永相守卒歲無索居繞屋種禾黍當門樹桑榆涼風入我牖明月照我廬酒熟農事畢隣翁迭招呼兀然坐簷下盡醉倒一壺

其三

少長郊墟中縣官名未識長時帶好容不見惡顏色高
隴麥穗齊雉鳴自藏翼野田耕耨餘工力暫時息日夕
會隣家黃牛卧籬側酒酣勉諸孫耕作當努力微雨過
前村鳥鳴催蓐食

其四

烏柏蔭我牆白茅覆我屋荷蓀朝出耘依依暮歸宿少
婦勤織縫諸孫解樵牧秋風禾黍收寒日照原陸鳥雀
啾啾鳴園籬多草木官租及早償莫待里胥督

其五

山村頗幽僻甘向田間老隣家隔短牆出入同一道桑
柘團午陰驚雛北雞抱夕陽雨外明溪上山色好夫婦
話綢繆農工非草草秧長及時移明朝飯須早

其六

今歲頗少豐渾家總歡樂丁男備鎌刀曉起出城郭前
村禾黍黃歸來事收穫田籬落豈花啁啁鳴鳥雀白馬
誰家兒鮮衣曜河洛揚揚意氣驕一箭雙鴻落我視如

浮雲飛揚自輕薄

其七

新水漲荒陂
芸芸稻盈畝
東家及西隣
世世結親友
夏至熟黃瓜
秋來釀白酒
新婦笑嘻嘻
小兒扶壁走門口
沙溪清垂垂
幾株柳醉卧
夢羲皇涼風入
虛牖不知市
井兒蠅利較
升斗近說明
府清征徭曾
減否

其八

棗花落靡靡
一犬護柴關
節序屆芒種
何人得幽閒
蛙

鳴池水滿細草生階間刈麥欲終畝風吹雨過山大兒
早未飯歎息農事艱豪貴本天命悠悠不可攀不聞無
鹽女醜黑非美顏

寄李資道

素履屏外欲栖栖向故園泛覽古載籍試參元化根既
迹齒牙滑得失俱忘言好雨溪上至高槐禽語喧茲時
暢神慮山光滿前軒

感秋次督學任僉憲韻

西風落高樹，城城鳴深秋。人事多錯忤，時光催白頭。
美人邈難即，江漢自悠悠。浮雲蔽皎日，誰復念滄洲。
酒酣心壯在，激烈歌吳鉤。

挽趙母薛夫人

松柏生崇岡，不羨桃李姿。雪霜恣饕虐，柯葉弗少萎。
嗟趙貞母，窈窕從母儀。結褵相君子，淑慎三族馳。
茗茗忍罹毒，中道遭嶮巇。君子嗇于數，二孤聲咿咿。
寒燈倚機杼，隻影空房帷。箴言競難感，矢心終不移。
神祇昭上

金少卿八十二
卷四百三十七
下我心應鑒知孤年日以長母髮日以衰一緘過青鳥
促宴趨西池塵飛鏡光暗月落烏聲悲死生亦恒理名
節世所規豸冠柱下史文行誇一夔穰穰襲湛露丘木
含華滋為歌柏舟篇清風起漣漪

灣河舟中呈鄭廷韶吳景端

朝發燕山陽暮宿灣河側高樹蔚繁陰浮雲淡無色
彼西日馳憂心恒惻惻賴我同心人相期崇令德

山中作

夕景延澹陰微曛射林屋無營見道真塵紛悟蕉鹿此
意幾人知沈吟俯修竹

西風吹雨收竹屋雲陰散酒醒心亦清忘言玩爰豕老
鶴劃然鳴月下青山半

高齋臨曲沼雲澹微雨餘悟靜愜冲素汎觀莊老書微
言苦未解日暮將何如

煙雨竹圖

九疑矗沓濕翠迷浦淑黯黯黃陵西霏英沆漭鬬纖裊

咽澀鷓鴣涼月低石壇累歷苔痕紫冷沁羽幢吹不起
藥窓瓊館隔離宮鸞尾參差醺江水千年舊恨餘斑斑
幽叢珮玉寒闌珊膩粉粘枯亂紛馥南巡帝子何時還
瑤瑟聲沈天欲曙女郎蹋歌過江去扁舟杳渺弔靈均
脈脈流漸無覓處

題李在所寫山水圖

龍眠孫子藝精巧胸次冰渟照秋昊尺縑寫出溪山圖
幻景無殊真景好高閣憑空寒翠霏松陰石磴苔花微

顛厓走瀑響晴雨老樹欲作蛟龍飛前溪茅屋人聲靜
石步籬邊繫漁艇白鷗眠穩魚不驚斜日沙汀落雲影
雲遶有客蘭薰襟酷好此圖如好金泮署春風暖吹酒
題詩謝客還長吟

五馬行春卷為延平太守子儀賦

春風駘蕩春日晴煌煌五馬朝出城羅衣逗暖濕花氣
錦帳泥乾金鐙鳴五馬度阡陌籬下雞豚春拍拍五馬
度郊圻村邊桑柘春熙熙野老遙望五馬拜官租已了

無私債野婦遙望五馬迎無吏登我門夜犬眠不驚但
願名公壽時乘五馬看花柳但願名公閒時乘五馬看
溪山

西樓怨為孔宗魯悼亡作

鶯啼燕語春漫漫落花飛絮吹作團雨歇西樓晚晴薄
絃絲調短催長歎玉鏡臺前金翦閒翠綃帳軟留餘寒
半壁銀燈墮煤小回文錦斷脂香乾鮑窓月白光如洗
雙泪如鉛洒鬆几梧桐音冷么鳳鳴屏山暗結愁雲紫

湘渚飛霜隕蘭茝些斷巫陽招不起瑤池青鳥幾時迴
幽怨嗚嗚咽江水

題周文靜山水圖

昔聞摩詰王右丞筆底江山誇藝精三山近出周文靖
當代畫史誰爭名古枯潘君老文伯江山秀氣流胸臆
文靖為作幽居圖常時置向窓間壁層巒疊嶂飛白雲
溪口橫橋沙路分茅屋低低槿籬短竹陰髣髴雞聲聞
莎草洲空繫漁艇夕陽半落山迴影蹇驢一老尋詩還

青旆搖煙墟市靜高林遠墅昏濛濛三簇樓臺仙子宮
仙都雅致世間少直與武夷風景同噫嘻此景誰可得
我欲移家住山側青衫淨拂雙鬢塵翠竹蒼松照顏色
潘君笑指山之幽舊隱久拋今白頭解官歸去伴猿鶴
歲晚與我當綢繆

題山水圖為劉廷信都憲作

我家本在山中住讀書慣識山中趣偶落名塗塵眼昏
見山便欲還山去南陽先生官態無半醉示我雲山圖

持向簷前再三看青山突兀雲模糊百尺飛泉落松頂
顛厓倒擲晴煙影神仙樓閣牽翠霞薇帳圍香晝長靜
人家三兩溪南村桃李成行門對門石逕斑斑過新雨
花落點破莓苔痕鷗鷺飛迴映沙島夕陽網曬漁舟小
不是茗川與輞川仙都山下川原杳先生指我山之西
茅屋數間依竹低茶竈藤牀舊栖隱騷人墨客多留題
看圖纔了眼初醒人間有此真佳景由來泉石絕纖塵
當與先生分管領先生大笑清風生岍幘佯狂雙髻星

題詩卷圖謝鴻鵠浮雲散盡長空青

正統己巳年麗寇至縉雲大肆掠掠延殺無辜

鄉氓趙氏女自經死鍾氏婦墮南巖宛予特
賦其事

山夷蟻集煙原荒紅綃抹額戈鋌光雄夫魄褫魚在湯
誰云女質柔弗剛格菴之孫窈窕娘雪膚雲鬢嬌春陽
羅襦濕淚收殘粧菱花棄匣辭蘭房腥風颯颯沾羣芳
痿痺老父如蠶僵天高無翼心遑遑螭螭繫帛懸空梁

紅飛玉碎春茫茫貞心一片明秋霜偷生忍辱德弗臧
何如一死名尤彰

右趙氏女

少微黯淡妖氛橫長蛇封豕生荒荆羣動纏臊土花赤
比隣襁負馳奔征鍾家少婦離房戶黃口呱呱尚含乳
姑章夫壻曉星沈嗚咽吞聲泪如雨雲邊鳥道南巖陰
劍鋒欲起桑間心妾身可粉骨可碎妾心百鍊真剛金
綠鬢紅顏墮空碧血腥著樹浮寒色弗容竇女獨留芳

卷四 百三十七
猿鶴悲鳴天亦黑吁嗟冠屨稱男兒堂堂大節翻手腹
愚婦猶能保貞素讀聖賢書奚以為

右鍾氏婦

秋胡婦

東風駘蕩花媚嬌鴉鬟膩滑飛翠翹露沁金蓮一灣小纖葱緩
撚柔桑條蘭閨護暖蠶苗密細葉如鈿竹筐濕羅襦歛霍雕鞍
光薄情正在桑陰立黃金出袖安心驚安心瑩比冰雪清彈箏
巧讓羅敷女田蠶婉語羞無情葉漸盈筐返庭砌阿姑喜溢雙

眉際颺言錦繡歸故閭整頓姿容見夫壻河水淵沄百丈深水
肌矢向龍宮沈匪曰忘姑隕非命絲絃絙急訛徽音精英叱咤
沙頭鬼烈風迅激愁雲起凡人生女須嫁人莫嫁秋胡薄情人

路傍草

路傍草能得青青幾時好春風披拂隨時生一夜秋霜
盡枯槁貧家養女方及笄結束嫁作征人妻辛苦等閒
容易老生世如同路傍草

禽言六首

姑惡姑惡姑不惡田荒姑嘆煮粥薄我怨田荒不怨姑
今年勸夫力束作姑惡姑惡姑不惡

不如歸去誰肯歸飽食廩米衣錦衣異鄉雖好非桑梓
慈母倚門白髮稀不如歸去誰肯歸

脫却布袴休脫袴力作任從泥淖污去年徵租遺拷癍
露見恐教兒女怖脫却布袴休脫袴

提葫蘆休提壺頻沽囊底空青蚨年荒茅屋炊煙斷明
府上來須禁沽提葫蘆休提壺

婆餅焦餅不焦年豐麥賤充徵苗再燒好餅與婆吃妾
吃焦餅從腹枵婆餅焦婆不焦

行不上也行得上羊腸路險堪掉鞅時人心險勝羊腸
仆馬覆車一反掌行不上也行得上

平田耕煙

莎草翻煙雨露霖一犁耕破湖田綠聲聲布穀隔林啼
饑婦厨中炊黍熟秋收但得了官租卒歲辛勤無歎吁

澄潭釣月

寒潭皺碧流潦縮霜娥飛落波心浴蘭橈中夜繁空明
長線牽搖一團玉小魚跳躍大魚潛桂花香冷莎纖纖

玉洞仙蹤

青林杳靄山巖嶢亂石齒齒堆瓊瑤丹竈苔深仙府舊
桃花流水生危橋何時獨跨一鶴小飛入蒼煙覓芝草

密嶺樵唱

高杉亂篠霏晴煙鳥道盤迴出半天非徵非商曲聲杳
看棋未遇柯山仙誰羨紅裙侑觴飲嬌歌解博纏頭錦

豹闕晴巒

春聲振谷蜀鳥啼苦竹叢深雲影低芙蓉簇簇溪西岼
小雨簾纖寒翠迷山人拄笏樓頭看天際聯牽青不斷
仙巖梵剎

青林路小苔花濕紺宇玲瓏片雲隔仙人跨鶴去不來
巖隙殘碑篆痕碧老僧入定空夕陽花落溪西春雨香
窪樽篆跡

窪樽落落岡頭石銘篆春深蘚痕碧陽水去遠猿鶴愁

載酒何人弔陳跡幽禽不語巘花香今古悠悠空夕陽
釣石苔痕

老樹陰陰蔭寒淥石磯苔濕香露沃毛翁古篆看不真
千載何人覓餘躅蘆花瑟瑟驚西風短笛一聲殘照中
馮公嶺道中書所見

馮公今去久嶺路至今聞紅樹村村雨青山片片雲野
橋松板架巘溜竹筒分日落人行少時參鹿豕羣

訪陳時律

故人雞黍約沙路入村微痛飲一宵醉清遊兩日歸古
松低石屋修竹映山扉雙鷺翩翩起橫塘淨夕暉

過故人莊

山村行處好偶過故人莊秋竹煙籠色寒花露浥香一
雞鳴矮屋雙鷺落橫塘留飲忘歸去陶然入醉鄉

遊黃龍寺

古寺青山上登臨見遠村樓虛堆竹粉崖剥露松根晚
逕雲生潤秋池漲落痕高僧宣梵偈趺坐到黃昏

靈峰嶺道中

嶺路青林杪盤迴出亂雲寺樓當塢見野碓隔溪聞屐
潤苔花積衣香藥草熏堦陰仙洞在遙見鹿成群

遊靈峰寺

步入靈峰寺嵐霏翠濕衣野塘蒲葉短石磴蘚花微潭
靜龍長卧山寒鶴未歸老僧茶話久高閣轉斜暉

登觀音閣

春雲籠碧樹層層危磴苔文一再登澗水入溪喧似瀑

松根纏石老如藤浮生容易休為客往事淒涼莫問僧
幾欲下山還不下塵紛明日又填膺

再和前韻

維摩高閣起層層駐馬空門試一登雙嶂濕雲寒閣雨
半巖枯樹倒懸藤鶴行松徑迎來客猿坐蒲團伴病僧
浮世茫茫如夢幻寧須弔古淚沾膺

過正等寺訪主上人

山影橫溪夕照微數聲清磬隔溪西石門晴雪落松響

沙島寒雲壓竹低結社喜逢今惠遠留衣猶想昔昌黎
焚香已了三生話猿鳥無情只謾啼

雨晴遊洞宮山坐間復雨

神仙臺觀翳嵐霏金鼎丹成草木輝潭靜毒龍依石卧
山寒孤鶴伴雲飛半簾暝色松杉靜一筍春香笋蕨肥
俗事累人催白髮來遊此地澹忘歸

醉中到白厓而歸

往事無憑一夢空悠悠岐路任西東菊花向晚應嫌雨

梧葉經秋不耐風
自笑長貧仍作客
誰憐多病欲成翁
青山斷處孤城在
一片砧聲夕照中

城上

獨上高城力未衰
西風吹老桂花枝
山迴薄暝牛歸後
江變新寒雁過時
砧杵幾家聲斷續
帆檣兩岸影參差
英雄自古知多少
老得身閒計亦奇

早行

王事匆匆每計程
疎鐘未動促前征
霜摧豈葉蛩聲切

露滴松根鶴夢驚極目關河悲遠道側身天地歎浮生
微官不似歸耕好却向何人說此情

上虞逆旅見舊題感懷

十年為客任東西又御籃輿過竹溪雨歇野田雙鷺下
月殘村店一雞啼解囊沽酒酬新債即景成詩續舊題
記得西堂尋短夢池塘春草綠初齊

初夏幽居

茅廬低小種桑園妻喜蠶收欲上機雀乳空簷花點點

鶯啼深巷柳依依交情自笑緣貧減生計誰憐向老微
細雨池塘新水滑芰荷初發未堪衣

遊西村

秋葉浮青野水渾農人籬落散雞豚寒煙淡抹梨花塢
夕照微明拓葉村浮世茫茫何日定故交落落幾人存
近時一懶寧堪笑欲學龐公隱鹿門

數日不出門偶賦

自把梅花比瘦容愁城須仗酒兵攻一灘細雨空漁艇

半樹殘陽又梵鐘
多病有妻供餽餉
長貧無客肯過從
石闌倚徧詩初就
溪上寒山晚翠濃

雨中示子

東隣離別恨依依
我欲甘貧靜掩扉
風送泉聲清遶枕
雲蒸嵐翠冷侵衣
一春吟對庭花好
幾日饑食野蕨肥
却笑虛名成底事
不如倦鳥亦知歸

久雨

高竹鳴鳩未放晴
小牀衾冷夢難成
厨煙著樹添嵐翠

野水歸塘亂瀑聲吟對落花傷俗態醉看饑雀歎浮生
山人自是無塵事深閉柴門懶入城

舟中作

青山淡淡夕陽時狂客扁舟只載詩細雨一汀荻葉老
西風兩岸柳條衰雁橫秋影過荒戍鴉帶寒聲落古祠
但說蓴鱸滋味好季鷹心事幾人知

秋日懷東湖

枯荷殘蓼滿秋池長日思歸未有期一笛喚愁霜落後

雙砧敲夢月明時老惟防病勤收藥貧欲謀生懶作詩
莫怪羈人頭易白他鄉歲晚倍堪悲

晨起偶題

空山靜夜不分更睡覺虛窓日影明應為不才忘仕志
却緣多病見交情白雲自放生前懶青史誰留死後名
食取充饑聞往哲呼兒挑菜煮新羹

寒食臨川道中

故交屈指幾人存雙袖龍鍾濕淚痕桑葉暝煙橋外路

杏花春雨寺前村
漁舟待渡橫空渚
酒旆招酤出短垣
日暮隴頭堪歎息
啼鴉飛下乞餘墻

春日偶成

硯池香沁墨雲乾
酒醒無情懶著冠
燕子歸遲春初盡
落花吹雨小樓寒

寒夜

破屋難禁深夜雨
衾寒濕半牀雲愁
來自起推窓看
人比梅花瘦幾分

紅梅夾竹圖

羅浮仙子宴瑤池
香臉生春酒
暈微欲弔湘靈
無處覓
青鸞騎向月中歸

小景為陳時律題

山翠濛濛曙欲分
雞聲髣髴隔溪聞
卧龍已去為霖雨
林屋空閒半榻雲

下第歸後作

牢落江湖幾度春
布衣還是舊時貧
晚涼懶過溪頭路

只恐沙鷗解笑人

過村家

細莎村路繞山斜
澗水西頭一兩家
桑柘葉乾鳩雨歇
茅簷索索響縑車

秋夜懷錢舜夫

風雨西窓蟋蟀秋
懷人無寐轉添愁
遙知今夜孤吟處
半壁青燈照白頭

登觀音閣

金史卷一百三十七
春深攜客扣松關
今古興懷俛仰間
花落花開俱是幻
老僧長對白雲閒

湖村晚睡

村南村北總西風
柏葉先霜淺著紅
野鳥飛邊堪入畫
數家籬落夕陽中

過名山坂

槿籬斷處路微分
茅屋砧聲隔岸聞
暝色催人詩欲就
一聲沙鳥半溪雲

過河西務

遠樹蒼茫夕照低
短篷酤酒泊河西
王孫歸去春無意
莎草含煙綠未齊

題畫

嘉樹團陰石逕分
數聲啼鳥綠陰聞
橋西有客耽詩癖
買徧青山種白雲

題東坡墨竹

赤壁歸來燕寢香
夢騎玄鶴過三湘
玉簫喚醒月初墮

雲影滿簾秋氣涼

春閨怨

花落深閨午漏遲
笙篴彈罷欲沾衣
東風綠徧江南草
底事王孫尚未歸

樊昌

送別次韻

匹馬對尊酒送君歸
潁川暮雲深戀樹
春草遠連天故國
幾千里他鄉一兩年
何時復相見去住各潛然

菊莊呈李亞卿

愛此村莊好花開人正歸一籬含曉露三徑眩秋暉異
品題凡卉幽香襲錦衣看來心更逸還憶侍彤闈

題畫中小景

扶桑日出光瞳矇千門萬戶開春風祥雲帶雨從龍去
朝朝暮暮飛天東瀛洲弱水知何處高人只在蓬山住
山外遊人歸未歸江上扁舟自來去

次正等寺壁間韻

沙路盤旋溪水清
薜蘿如幄曉煙平
簷前花落一兩點
竹外烏啼三四聲
香雨霏微蒼樹濕
春風淡蕩白雲生
我來俯仰成今古
獨有青山不世情

送陶主事崇岳出使西蜀

相送河橋酒一觴
獨將琴劍對行裝
東過閭闔家山遠
西去陽關驛路長
馬拂春風經峽口
雁衝寒雨過瞿塘
驅馳莫道丹心苦
白帝城高似故鄉

送李鈍齋先生之江西

獨向雲塘話別離
晚風吹雨濕征衣
水清江濶孤帆挂
雲淨天高一雁飛
遠地若無南澗藻
故鄉還有北山薇
沙頭莫遣鷗盟冷
收拾琴書早賦歸

樊甫

妾薄命

妾貌嬌如花
妾心堅似石
石有碎時花早彫
妾貌未衰
心不易
一自良人結褵後
寂寞香閨空
自守枕上翻思
初嫁時
禮備媒行非苟苟
妾篋織成玄與黃
可以補衮

供衣裳妾筐採採蘋與藻可以薦神享祖考阿婆不顧
小姑嗔令妾進退難容身雙鬟嬾結烏雲薄菱花半掩
生芳塵東隣少婦永相保容顏未必傾城好妾貌比之
頗不惡只恨生來多命薄

題水底猿捉月圖

漏板敲愁夜驚冷露井梧桐濕無影海風吹星消碧煙
青天不見纖月懸嫦娥汨泣桂香死誰知兔魄沈水底
巫猿激烈心欲飛便伸長手撈摸之夷神叱咤蛟龍怒

翻倒滄海上天去

輓李司訓妻

青鸞西歸海天暝芙蓉十二畫屏冷
剪刀無聲落冰綃月轉梧桐夜窓靜
些死巫陽招不回紙錢斷裂成塵埃
孤鸞弔影菱花慘機頭白石生蒼苔
諸郎呱呱哀動地雪色麻衣濕紅淚
明朝扶櫬過湘江未見九疑心已碎

題歲寒圖送賈大尹令弟

登我徂徠山瘦蛟怒立龍撐髯
天風振籟落金粉石苔

點破螭紋斑舟回暮泊湘江曲兩岸清風鳳毛綠鸕鶚
啼歇水雲深錦瑟無聲睡初熟明朝解纜過西湖水魂
折裂青珊瑚寒香浮動山月白扣門夜半呼林逋沈醉
歸來情脈脈偶逢畫史詢行迹揮毫寫作歲寒圖旗亭
遠送天涯客

宮女恩賜還家

清曉承恩出禁宮金蓮香惹御階風九重回首如天上
萬里還家似夢中雲髻高簪榴子石宮衣深染茜花紅

內家粧束原來別不與尋常一樣同

香奩和王彥修韻

寶鴨煙消一字香滿懷
春恨強梳粧看花又怕東風惡
偷隔紗窓看海棠

樊貴

答吳景端南歸見寄之作

八月星槎下碧霄
歸來休訝浙江潮
嚴林祠外蒼林靜
獨帶清風伴寂寥

回首青山長薜蘿
椿庭日永紫芝歌
却嫌咫尺江郎路
笑殺仙人已爛柯

樊瑩

和李賓之韻

新年多邁逆抱疴
守空廬竟日寡人事
及迂長者車入
門一相見戒我毋枉趨
枉趨將何以變故
在須臾念此
重憂患感歎復躊躇
信知明哲者匪徒效虛無

寄張汝欽侍御

夙昔寡所予惟子獨吾契聞過輒相規見善復相示邇
來作離羣延頸日翹企湘水只尺間渺渺隔天際念子
富英邁持法忘顧忌抗節激流俗高名愜時議顧子駕
鉅姿列官屢年歲俛默守庸庸興言良獨愧古人重交
游匪從在忘勢

和時登叔祖灣河舟中作

陰風薄朝陽方舟住溪側舟中有歸人悵然起憂色長
歌巷伯章聞者重悽惻信知青雲子永懷在君德

寒夜懷友和時登叔祖韻

林霏歛夕陰庭際集繁霜懷人不成寐起視天蒼蒼蕭
條履長夜悽愴增悲傷念彼離別久中情詎能忘徒見
斗牛星相距南北方

樊鯤

錢塘行二首

江舟泊危浪江岼草霏微寒風疾于箭颯颯穿我衣潮
聲日夜作人去何時歸

長年事擊楫感激海雲生山川自流轉奔逐空浮名紛
紛越南樹愁殺春鳩鳴

利國驛上漢高皇祠

漢皇祠外抱江村石徑苔深長綠痕離水鴻溝俱不遠
數聲啼鳥向黃昏

樊鐸

詠蝶

每從花底見燕雀共翻飛乘露酣春色迎風舞綵衣枝

頭常獨宿雨裏不曾稀
籬落凋傷盡殘魂何處依

過諸暨口號

澤國風光趁馬歸
青山一帶夕陽西
野橋月出漁舟寂
春滿田園花滿堤

菱道驛遇姚子卿

柳路依依白日斜
新巢語燕野人家
舊時姚合題詩興
次第春風數落花

雨中行二首

四月濃陰風雨來揮鞭遙指碧山開
征夫訝渡前村水
傍柳穿花去復回

野外高樓護紫煙落花飛處獨淹淹
誰家雙燕不歸去
日暮空依古樹邊

石倉歷代詩選卷四百三十七

欽定四庫全書

石倉歷代詩選卷四百三十八

明 曹學佺 編

明詩次集七十二

周瑩

字次玉號鶴洲正德乙丑進士官至江西撫州府知府

菊坡為單大尹字賦

解印歸來日黃花尚故坡
理荒除蔓草習靜偃垂蘿
籬下寒香滿山南佳氣多
此中真趣遠何必向巖阿

城南書屋

城南僻地是行廬門巷應多長者車
簾外碧山開卷畫
案頭紅軸積圖書
梅花送暖飛鱗片
芸草吹香落蠹魚
莫道雲程能自達
燈窓好為惜居諸

謁孝陵

鼎湖雲去六龍遙
寢殿巍莪倚碧霄
山鎖煙霞春寂寂
林迴松柏雨瀟瀟
千年帝業思皇祖
萬國輿圖仰聖朝
幾度叨陪林下謁
天風兩袖御香飄

歲暮和柯孟時

渺渺天南道路長
白頭慈母在高堂
十年薄宦遊京洛
一片愁心望太行
正是陰陽催短景
可堪身世半殊方
夜闌吟罷成惆悵
夢繞鄉關月到牀

放歸言志

六年為郡大江中
歲歸途幸不迷
世路風塵勞薄宦
故園林竹愛幽栖
但乘欸段尋春馬
不起愴惶報曉雞
已判功名身外物
任他麟閣與雲齊

二十居官四十歸急流身退世應稀
投閒故里蘭紉佩
戲綵高堂錦製衣
林下新開延客館
水邊長拂釣魚磯
是非不管人間事
長弄扁舟看鶴飛

天心湖上梅花

木落千山雪氣偏
一枝湖上破春妍
不將別調傳羌管
為愛寒香撲玉鞭
映月有情還冉冉
倚風無語自娟娟
商巖舊事應千載
俯仰乾坤獨惘然

夏日書懷

暑雨晴時草入簾綠槐垂影拂茅簷鳴蟬午夢驚初起
睡鴨名香手自添鄉國故人千里別他山為客十年淹
江州司馬歸何處幾度青衫淚欲霑

周瑛

瑛公諸弟字梁石號翠渠成化
己丑進士四川右布政使致仕

送陳公甫歸南海

鬱鬱山下松四時不改色盈盈道傍花朝夕供採摘花
好聚人看春風亦易寒松高倚霄漢勁節不可攀願學
山下松用以葆貞德毋學路傍花一採不復得

其二

芝蘭有幽性托居在空谷
滿天風露寒隔林香氣撲
我因愛芝蘭朝夕自往還
采采欲盈把薰我衣與冠衣
冠在敝篋芝蘭隔林樾但恐
歲月賒餘香易銷歇

感興

笑人顏如玉自許連城價
曉織雙鴛鴦戲水香蒲下
夫壻遊京洛聞結新姻婭
中饋但有人賤妾不復嫁

其二

提瓶去汲水為君解宿醒詎意綆中斷瓶墜不復升君
恩手中綆妾身井底瓶相望不相即此心誰能明

其三

長風吹白日年華逝如駛美人翠袖薄高閣閉秋雨開
園種芳樹歲晏自淒楚相望一水間終日不得語

城南別墅

幽人有遠韻卜築城南村青山羅庭除踈柳蔭柴門虛
堂寂無人但聞鳥雀喧秋晴穫禾黍日夕牧雞豚農家

無外營歲序在壺餐感此生理蕃其樂難具言我方走
塵土未能問田園誰知隔城闔咫尺有桃源

桃源篇

秦人法網密如織楚人逃生苦未得一朝拔邑赴南山
咫尺便與塵寰隔山中風俗何恬然竹籬茆舍臨平田
男婚女嫁相代謝歲月無紀誰知年昨日漁郎忽到此
杯酒殷勤問鄉里漢龍晉馬相繼興始知世代非秦紀
由來靜躁跡不同山人怕與俗人通送得漁郎出江口

歸來相與滅其踪武陵太守好事者謂人可仙官可捨
分付漁郎重問津溪山宛在眉睫下初來隔岸盡桃花
驚看赤壁橫蒼霞千峰萬壑不可辨欲從何處尋人家

夢中賦登金山寺

高閣連霄漢登臨客思開雁將秋色去潮帶夕陽回天
地雙蓬鬢興亡一酒杯此懷不可極倚檻獨徘徊

姑孰道中

采石孤帆落青山一騎歸朔風吹短鬢踈雨濕征衣野

火漁歸市林鐘衲掩扉可憐江上雁入夜更南飛

橫山燕集

小甕藏天地大杯揮古今宦情秋夢短世事海波深
北枕淵明卧南耕梁父吟官卑多抑畏慚愧昔賢心

與陳貳守酌別

下馬何村廟霜清木落時行人千里去故國一年期
水色侵衣袖山光落酒卮離懷難盡遣惆悵為題詩

有所思

目斷天涯路春深有所思
亭臺花落後簾幕燕歸時
洛浦煙初暝巫山雲正遲
夫君縱忘妾妾意比芳絲

重到府第有感

府第最高明重來感歎并
臨川雙郡守閩海兩書生
風雨情何限池塘夢不成
坐觀循吏傳安敢墮家聲

送陳方伯疊致政歸漳浦

角巾斜折舊烏紗南望鄉
園趣轉賒白髮無人堪結
社青山有地可為家
石湖晚釣收殘雨野徑春
行礙落花

不識廟堂諸故老幾人清夢到煙霞

謁文丞相廟

海上干戈百戰中孤舟夜夜泣英雄
八千里外狼烟合三百年來鷁纜終
厓嶺被俘真倉卒燕山就義太從容
西風吹雨過柴市獨向祠前撫翠松

九仙觀訪朱未軒讀丁太守所寄詩次韻

十年勞憶禁鐘聲坐對南山野趣生
有道也知當世重無官應覺此身輕
石臺晚嘯雲歸樹仙觀秋吟月過城

文物傳中勞去取幾人椽筆有佳名

題畫

開軒望長野迢迢芳草綠持竿彼何人冒雨驅黃犢
雲影蒼樹涼雨候黃梅過明月入西軒照見幽人卧
秋水池塘深落葉亭臺晚柴門閉西日山人猶未返
風高海水立雪厚山岡折小院無人來梅花自娟潔

哭羅一峰

百年夢不起千古懷獨醒西湖煙雨外零落一峰青

挽吳下王處士

車馬閭門路生前多故知青山映疎雨有客為書碑

題梅月圖

孤山處士舊時家門巷深深一徑斜惆悵詩魂呼不醒
只留明月照梅花

周輦

瑩公姪字晉伯號榆川由貢士授廣東廣州府儒學訓導

蘇長公寓惠日愛誦陶靖節歸來辭遂集辭中

字成十詩予亦效顰遣興云

征途欣息駕物候及春榮
邱壑時相問交親我獨迎
天清孤岫出逕窈遠風輕
何事倚窓嘯飄飄非世情

農事行將及春辰樂可尋
懷人常矯首寓目亦經心
榮木來邱鳥流泉向膝琴
倚風詩欲就扶策任登臨

物役幾時息孤懷尊酒前
書將消日景賦欲逗雲泉
荒翳俄成徑扶搖遠問天
微言童亦覺行與事春田

鄉園日無事之子或予留
雲木三春翳風泉萬壑流
乘時歡物與遺世得天遊
有鳥今何羨光榮非可求

人生亦寄寓何以日追奔飛駕登榮路遊心翳覺門感
予倦行役命室留清樽孤酌觀無始委懷形乃存
天宇懷何窈雲門無是非三車尋往路幾日就春衣入
晤清言盡歸來遠景微流觀心自得萬木鳥孤飛

題畫

馬外風塵晚鷗邊雪浪寒碧琳何處客坐破幾蒲團

周軫

瑩公姪字公載號恥齋成化壬辰
會試第三名官至江西按察使

在故城與鄭元耀會別

湖海雙孤客詩書一故知
蹉跎相會處契濶舊遊時
話久西窓燭情深北海巵
明朝分袂去江樹又離離

閒居

自入封章出帝庭詩情逸興一茅亭
茂陵封禪無遺稿草澤行吟有獨醒
十載病軀憐短策半生勛業撫青萍
隣翁和得詩來往送過隣翁戶已扃

和竹溪見贈歸來亭

小亭岑寂四窓開坐看春風長綠苔
為愛多情雙燕子

暫時飛去又飛來

訪林和靖舊隱

霜風摧落已多年誰道花開在歲先
寂寞小孤山下路更無人到草堂前

詠梅

冰魂雪骨楚天涯幾度春風幾度花
自是無人肯深覓寂寥將度一年華

紅梅

中使傳宣出建章君王錫宴在昭陽玉顏宴罷扶歸去
又是春嬌一樣粧

周球

輦公子字元恭號瓊崖廣東樂昌縣儒學訓導贈監察御史

今是亭為林別駕賦

長嘯辭朱紱行歌入舊山浮蹤今日是塵世幾人間獨
鳥高雲外歸泉亂石間若將人意擬無往亦無還

尋花穿澗早聽鳥出林遲幽事誰先領孤懷只自知江
山無恙處風月對閒時猶是樊籠客相從笑後期

即景

遠風將青入林藪長溪刃作魚鱗皺笑喚隣舟作伴行
中流鶯鶯鳴雙肘觸起桃花錦浪生長罾短罩隨吾手
大魚盈車不可移小魚累垂貫之柳青帘白屋是誰家
艤舟試覓家中叟我有魚兮君有酒相逢何必是相知
傾懷且儘儂家有君不見紅樓歌舞美少年昨日朱顏
今白首又不見玉關有客覓封侯霜蹄夜蹴層冰走我
曹本是耕桑民容易盤飧度辰酉迺今不飲更躊躇只

恐青山要衰朽我放歌君擊缶大呼鄭老作吾師更挾
劉伶為我友直須共醉春風前不管犧牛與芻狗

周宣

休公伯子字彥通號秋齋弘治乙丑進士廣東左布政使

鐵嶺次張主政韻

少年喜遠遊萬里信長步未論筋力疲况復念遲暮鐵
嶺何年關巒岼劍峰聚白日嗥猿腥風帶靈霧仰瞻
雲天垂俯視髻峰露咋指已魂銷疇能更還顧便當卸
行旌揮手謝歧路

遊僊鶴洞次李春山韻

古洞凌層峰上與顥氣遊
檐帷偶共往噪吻生清秋
洞前雙白鶴昔繞僊人邱
僊人跨雲去笛聲隨雲流
拍手招鶴背僊人亦回頭
憶昨過湘中江寒月滿洲
掠舟從東來顧我還由由
感此念羈旅餘懷付江漚

居庸關和韻

歐冶何年鑄真鐵
神光夜指奔厓裂
峽關西去隴風寒
獵獵胡沙帶飛雪
丈夫生來還遠道
未分霜銍匣中老

酒酣斲地作長歌鯨鯢起立滄溟小

其二

秋信誰將入簷鐵樹底青桐聲欲裂渴吻猶須玉井冰
輕寒已釀陰山雪漠漠黃雲連遠道容易朱顏變衰老
夜來起步向迴廊一點窺人山月小

謁介之推祠

晉鄙澤中人獻土公子歸來繼先緒衆蛇蜿蜒入龍宮
不道同時有刳股宮門之書為者誰遂使君王憶初侶

皇皇戈幣遠相尋莽莽春林竟誰與富貴相忘亦世情
何事捐生便如許由來獨行人所奇千載綿山有祠宇
登臨正屬禁煙前獵獵林風送悲雨

俠客行

紅塵漲天白日暗奔輪擊地雷聲泛雕弧寶騎金盤陀
虎顧龍頷親曾探昨宵燕市擲千金今宵長譟歸綠林
酒闌笑蹴仇家血不信人間有哭音

過高郵湖

宿雨添新漲扁舟弄晚晴雲山鄉國夢杯酒故人情日
向波間沒天從鏡上橫倚蓬無語處征雁兩三聲

宿建寧城下

夜泊清溪下溪風入坐清尺書猶未達孤枕若為情漁
火遙過影寒流暗有聲更憐中夜雨蕭瑟傍山城

瓊林宴歸

湛露開周宴歌風陋漢宮伶簫諧紫鳳仙仗引青驄酒
泛金壺冽花分御苑紅衡茅新得路感激自丹衷

金門待漏

白玉雙龍闕黃金五鳳城雲霞凝曙色鐘鼓靜嚴更帝
德乾元大皇圖瀚海清遭逢吾自慶何敢負平生

沅州道中述懷

曉發沅州路行行過赤涯歸心流水急官舍白雲賒初
日遲寒影清霜濺素華丈夫懷遠志驅馬漫興嗟

夜宿德山港

繫艇依林樾攜壺扣竹門年華行欲暮民瘼不堪論月

影雙娥小灘聲萬馬奔寒缸隨夜坐無語自銷魂

病後復到德山

扶杖東郊路尋幽不惜勞林寒孤寺出霜肅碧天高病
改春風鬢寒添舊日袍更看沙上雁哀喚正嗷嗷

和黃伯固韻識別

候吏分眠去殘更欲盡時寒暄猶未既南北況多岐月
落山坳暝雲橫渡口遲衝泥瞻馬首依舊是相思

發臨蒸驛

向晚發臨蒸囊輕酷似僧歸心江北去行色月東升野
店初明火溪頭欲放罾悠然成獨酌坐看合江亭

送徐尉之分水縣

繡嶺西頭路君今是勝遊碧溪分燕尾舊事說羊裘
梨棗霜中熟桑麻雨後稠懸知官舍底簾幕下清秋

送陳汝齊赴嶺南斷事

都城寒雪霽花鳥破春妍人向天南去官分閭外權
清霜柳葉瘦紅日荔枝然風物猶鄉國知君吏隱便

送蔡徽玉之清遠

碧江潮正滿村市酒新篘共博行邊醉都忘客裏愁文
光連象緯官舍近羅浮他日梅花發猶堪寄隴頭

晚宜樓

劉君湖海客高隱楚江湄虛枕聞清籟閒心湛碧漪山
從秋後瘦樓向晚來宜憶昔南遊日空吟馬上詩

送廖應脩

十載同心友他鄉共卜居壯圖猶落莫造物定何如故

里三間屋歸裝一束書東山清在望分手莫躊躇

擣衣

擣練聲聲急蟾光故故圓片魂空外返雙淚暗中懸野
日明朱旆飛霜折玉鞭功成報天子看爾畫凌煙

又

秋信桐陰裏寒聲雁影邊為憐千里客聊理舊時綿青
海猶傳箭狼山未息煙深閨今夜月何敢惜嬋娟

醉歸圖

金屋承歡罷沈香月色新笙歌隨步輦羅襪擁輕塵羯鼓催花急羊車望竹頻誰憐青閨裏還有獨醒人

過常思嶺

夜過常思嶺雲昏雨作屯聽泉知度澗覓火亂投村不辨星河影橫穿虎豹羣壯程方萬里何敢歎王孫

晚到房山

細雨山村暮羸驂獨去時牛羊下高隴烏鵲鬧寒枝野色黃雲逗邊聲夜角悲猶傳東徼外戎馬日奔馳

大田驛和鄭少谷韻

秋原聊引望幾許動遐思霜白羣芳老風高獨鳥遲倉
皇千里道留滯十年期廊廟夔龍在昇平是此時

答張大行維喬

激烈南巡疏低回白下城壯心回日馭素節舞風旌世
路從夷險天王自聖明朝來長樂外重聽曙鐘聲

題狄武襄廟

何代乘箕去孤城尚故祠風雲餘壯氣貔虎識雄師古

鐵生時面奔雲祭後旗莓苔春雨暗休蝕座前碑

春日同李嵩山遊東關寺次韻

微官餘二載斯地幾清遊旌仗人人識郊原事事幽河
聲寒帶雨山色翠當樓日暮遲歸去移樽到上頭

其二

何年卓錫地祇樹已成林月出東溟外雲生古洞陰翻
經風葉亂洗鉢石池深正愜幽栖意無妨一再臨

東關寺聽張使君鼓琴

愛子琴聲好開囊日未西暗泉懸夕溜嬌鳥媚春啼細
竹依階淨香雲壓戶低禪心方入定月色印前谿

東牧為黃巖孫隱君賦

野性同魚鳥郊居薄市廛閒情牛背笛酣飲杖頭錢吉
貝披疎瓦黃雲布遠田年來生計好月下枕蓑眠

過陳康懿公墓

四聖垂衣日明公萬里城貞元還泰運星斗避高名江
漢歸龍夜風林戰葉聲獨來詢往事悽愴盡平生

黃岡驛阻雨

阻雨黃岡驛行旌去復留
踈燈聊永夜衰髮不關秋
樓角寒仍斷簷聲曉未休
浮踪何必問明日是潮州

即事

朝日明雲壑餘寒散野犁
泥融科斗動桑暗鶉鳩啼
菜甲霜前健禾苗雨後齊
鷓鴣毛羽細何敢厭卑棲

桃源溪行

碧江春水夜來深兩岼青山盡
綠陰飛鳥傍人如問訊

金人八
卷四
三十八
小魚吹雨自浮沉
幽觀似識東風面
高興應同太古心
獨有春原回首處
幾家燈火悵空林

送雲峰道士南歸

塵海茫茫漫自流
百年身世只虛舟
紫綃榮拜彤樓曉
瑤笛吹殘碧樹秋
月下藥珠惟鶴聽
雲邊丹竈有龍遊
涪翁千古風流在
何日誅茅借一邱

送林汝鳳

樹頭初日弄微晴
江上離歌自渭城
萬里家山遊子夢

十年燈火故人情月明遠塞鴻初斷風靜長淮浪正平
遙想征途詩興好錦囊歸去為誰傾

送張大理出守

錦雲城郭古昆州此日憐君作勝遊石棧連空青嶂晚
浪花飛雪碧滇秋時平獠洞輸庄貝月白峰頭起夜謳
遙想公庭清太甚夢回晴日上簾鉤

鎮江答林廷元太守韻

幾年塵土隔滄洲倏爾相逢是暮秋人似燕鴻還北去

情如淮水向東流雲邊遠道連青草風際寒波起白鷗
清曉金焦望文物有人延首待方舟

浮圖谷和韻

城頭旗影亂春雲帳下軍聲起夕曛重鎮已堪當一面
健兒安敢犯三軍山橫古道龍標立水入回溪燕尾分
使節重來無箇事北窓高枕待南薰

儀城公館次韻

山入遼城地益高參差巖岫湧雲濤喜看白日塵埃少

暫息青衫汗馬勞，留滯祇今同太史。
相從誰與步臨臯，不知舊日立都觀。
開徧春風幾樹桃。

題白雲寺

十日春山兩度遊，坐臨平野著吟眸。
城煙近帶千山雨，島樹寒生六月秋。
塵夢豈知滄海變，野心純被白雲留。
便須跨取天風去，飛上孤峰最上頭。

題林翠庭先生青臯書屋

宦囊貧甚笑無餘，下澤歸來喜有車。
行處獨便沙路穩，

坐時長伴野雲舒
蕪葭寒映江干雨
芸草香浮架上書
猶有濠梁真意在
自臨深水看鯈魚

重遊香山寺

薜蘿深處見僧家
葭落葭開自歲華
怪石臺高螭篆古
老松枝偃玉虬斜
三還丹熟龍窺竈
十笏房清天雨花
笑我踈狂饒野況
山門幾度試春茶

金焦覽勝卷為周文儀同寅賦

萬里波濤接遠天
雙鼇浮背玉相連
梵王樓閣空清裏

水國鶯花杳，鵲邊歲月無情從逝水。江山有恨，但寒煙
登臨莫問當年事。一曲商歌已惘然。

覓寒衣

病骨先秋冷，空簷坐夕暉。敝裘不堪著，撚線學縫衣。

促黃伯固

庭葉作秋聲，閒雲閣秋雨。佳客來不來，夕陽在高樹。

小景

古牆芳蘚重，深巷綠楊斜。叩門何處客，屐齒印苔花。

自君之出矣

自君之出矣，夜聽寒更寒。更二十點，都是斷腸聲。

香山寺和見素先生韻

天長從逝鳥，雲暝欲歸龍。目送曾遊處，青霞第幾峰。

岳陽樓

月出羣山蒼，雨後千江漲。喚起素髯翁，吹笛君山上。

春愁

飛絮漫空春，色深海棠院。自清陰無端，一夜芭蕉雨。

滴碎愁人枕上心

秋齋雜興

竹裏新開一徑斜
石牀書卷舊生涯
客來共坐虛簷底
自汲清泉煮露芽

暝竹蕭蕭似壓廬
柴門三日斷行車
風簾不動爐煙裊
讀盡南華一卷書

足將樂縣夢中句

遠道連空信馬歸
筋骸無改壯心違
春江不用愁難度

一片輕帆帶雨飛

長子縣校士聞鶯

古柏高槐散午陰
竭來清嘒畫簷深
上林舊有如雲樹
待子歸時贈好音

石倉歷代詩選卷四百三十八

欽定四庫全書

石倉歷代詩選卷四百三十九

明 曹學佺 編

明詩次集七十三

林爚

字汝大閩縣人正統丁卯
科舉人有海天長嘯集

古平述懷

星暗月華明
心閒景自清
迎風刊翠竹
冒雨理黃精
澗淺觀魚躍
林深聽鳥鳴
此中誠可樂
何必日經營

同世恭姪尋梅

幾度尋梅未見花
空餘疎影獨橫斜
溪橋曲折支危石
村徑崎嶇擁斷槎
詩就每刊隣舍竹
茶香頻叩野人家
徘徊不覺歸來晚
殘雪飄飄點鬢華

瓊島春雲

蓬萊金碧映輝煌
五色祥雲謁上方
縹緲淡籠瓊苑樹
氤氳遙濕御爐香
光涵玉宇凝仙仗
影拂春花遶建章
自是昇平多瑞感
好將圖畫獻君王

蘆溝曉月

蘆溝月色藹蒼蒼萬戶千門曙景涼雲氣半侵茅店火
馬蹄全踏板橋霜金雞唱罷鳴天籟玉漏聲沈徹上方
待得九重煙霧淨鳳城春色散朝陽

金臺夕照

黃金銷盡獨空臺雲木蒼蒼紫翠堆鴉噪夕陽歸盡堞
碑連暮靄翳蒼苔平河水落蘆溝遠古峽人從鳥道回
聖代祇今多稷契紛紛誰數樂生才

賀邵太守榮歸二首

雙旌五馬返青門，優老重承雨露恩。
滿架圖書看尚在，遶籬松菊喜猶存。
興來獨掃詩千首，客至相忘酒一樽。
地迥尚嫌車馬簇，誅茅還擬水南村。

君乘五馬古諸侯，何事頻懷卧此邱。
門外懶排雙畫戟，林間喜掛一羊裘。
琴書已足娛身計，夢寐猶懸報國憂。
自古留侯稱達士，功成還逐赤松遊。

紫臺嵐氣

紫臺一抹鎖晴嵐景象依微畫不堪霞幕懶收山似黛
林衣倒影水拖藍黃童驅犢登青坂白鷺窺魚隱碧潭
感昔傷今多少恨西風吹淚濕青衫

螺渚煙消

青螺一抹俯江湄潮落煙消若畫眉寒岼柳濃藏翡翠
晴沙水暖浴鳬鷺牧童扣角驅黃犢漁子鳴榔擢綠漪
凡骨未能同謝眺空懷雲水遇神姬

滄江漁唱

扁舟汎汎是生涯
雲水悠悠度歲華
長笛數聲歸海島
清歌一曲入蘆花
鳴榔草際沙鷗起
醉卧蓬窓山月斜
榮辱不關常自足
熊羆無夢叶皇家

題汝哲兄園亭

君承優詔許歸田
小構幽居水石邊
綠野遠涵千頃稻
紅衣開徧一渠蓮
沙邊白鳥迎江練
樹底黃鸝雜管絃
羣從相看頭似雪
杯醪豈厭重留連

林壑

字世調成化壬辰進士歷官廣西左布政使
別號雙松晚年與陳孝廉桐山陳僉憲留餘

弟坐為泛江之遊有秋江夜
泛集及蘆蘆集三江漁隱集

秋江夜泛詩并序

義溪陳君文厚予鄉同年進士也不樂仕進隱于
桐山殆二十年號桐山先生弘治乙丑春乃弟僉
憲留餘先生冢子達暨乃姪墀同登進士第余邀
葉宜休先生往賀因得會文厚于濯纓亭次日復
移舟從余江潯潮至而別未能盡歡文厚乃期為
秋江夜泛月一會會有詩以文酒交歡誼至厚也

亡何余弟世增歸自南宮聞而心醉遂堅前約以
是秋八月十有三日同世增泛舟會于匏峰渡之
坂口是日桐山宜休留餘三先生咸在方舟促坐
陳蔬菓列樽壘隨潮上下月白江清山光凝翠景
殊可人今日之遊人景俱勝不可寂然已也遂以
唐人詩移舟泊煙渚日暮客愁新野曠天低樹江
清月近人二十字為韻觥籌交錯唱和獻酬即事
寄興人各一詠遂為聯句率成十韻嗚呼謝尚之

牛渚東坡之赤壁亦一時之偶會耳名播千古後
世侈談豈不以人哉今日秋江之遊雖未能追蹤
往哲然而七里之山川寧減牛渚赤壁而文厚諸
君之逸興其視謝尚東坡何讓耶予不能必其後
之傳而亦不能必其不傳也璚乃三江釣淪幸預
茲會敬摭蕪雜叙厥所繇所賦諸詩廁之于左

五言古四首

山高月在松澗小花臨水本以林下人謾結方外士得

意傾雲液何心斷石髓世俗徒紛紜吾心已如此
義谿下匏口東與淘江合勝會結詩盟方舟復連榻笑
領風月閒坐談古今雜漁父亦何心鳴榔遠相答

秋月色澄淨秋江清復深聚散亦何常浮雲自古今蓮
社已寂寞香山亦荒沈願言托松竹共結歲寒心
泛泛木蘭舟迢迢渡江渚樽壘會有期歲月疾如駛落
日楓林低登盤鱸膾美長嘯豁塵襟銀河耿秋水

臘月八日病中有感

井引

舊制臘月八日于午門賜百官麵食謂之臘八麵
當此病中感慨亦少志其芹曝之私

臘月八日歲相將獨卧西窓夜正長賓鴻故故來帝鄉
却憶當年朝未央朔風吹面靴滿霜手持象簡凍欲僵
入門鞠躬氣屏藏口含雞舌聞天香自天休命親對揚
但願聖德如陶唐百官奏對勞奔忙午門錫宴羅鴛行
咸歌既醉沐寵光于今寂寞水雲鄉隨鷗狎鷺機心忘
晚來一子蚶如狼嬌癡但索梨栗嘗箕裘世業將徬徨

老懷對此增慨慷起坐南楹負朝陽區區芹曝何能忘
世騰從兄以鄉進士沒二十年今冬始得歸葬

詩以挽之

吾兄豪氣邁謫仙雲路談笑先祖鞭神龍豈肯卧九淵
大鵬直欲乘風騫堂上嚴親雪滿顛養志不異曾參賢
荆山抱璞志益堅豐城寶氣光燭天淘江江上呼酒船
春花爛熳秋月娟流光轉眼時序遷泰山頽兮心淒然
猿鶴哀兮淚涕漣吁嗟歲月今幾年立堂幽黝如磬懸

文光夜夜照重泉

七言古二首

菊花新釀香浮甕，明月共迎還共送。
白髮滄洲有定期，青霄絳闕渾如夢。
謫仙跡遁煙霞深，柱史氣凌山岳重。
醉眼摩挲北斗傍，龍淵合處光芒動。

海浪驚風灑瓊玉，估客帆檣何處宿。
幾家煙火暝漁村，一帶雲林掩僧屋。
壺觴不盡客情歡，歲月蹉跎羊脾熟。
仙骨如君獨奈寒，梅花瘦影依脩竹。

五言律一首

雨過千山淨，禪林賞菊天。
方巖危欲墮，錦水遠相連。
客喜如蘇晉，僧疑是浪仙。
詩成留偈處，竹塢起茶煙。

送周少宰奉使冊封秦藩便道祭掃

天語親承下紫宸，星輶千里向西秦。
金符映日存周制，玉節凌雲動漢臣。
遠道使承黃誥重，故山人望錦袍新。
遙知展拜泉臺下，土壤光生草樹春。

潯陽驛

潯陽江上日初斜
蕭瑟西風亂荻花
青草幾時休作客
白雲無地不思家
蘼葭淅瀝收殘雨
島樹微茫映晚霞
隱隱菱歌愁思起
月明猶似聽琵琶

白照山看窪廠途中口號

茅屋雞聲報曉遲
巾車乘壑本無期
棠梨幾樹繁花滿
檉柳千條嫩葉垂
箕踞野人看鹿豕
倦飛林雀避旌旗
青山對面如相識
笑我蕭蕭兩鬢絲

往常德調兵梁山遇雨

梁山雲物幾時收
野水無情日夜流
獨木銅槽初泛泛
沿溪棧道曲悠悠
犀紋甲冷兵初合
薜落霜寒菊正秋
惆悵故園頻極目
蠻煙瘴霧總關愁

送葉世潤歸閩

南下汀洲逸興饒
蘼葭楊柳晚蕭蕭
九江驛路秋風起
三楚雲山夜夢遙
行李半挑黎嶺月
歸帆一片海門潮
故園冬竹應多笋
入饌江魚好自調

登泰嶽太和山

紫霄臺觀隔塵寰坐愛蒲團一榻閒
石澗雨餘龍出躍松林煙暝鶴飛還
洞中有火燒丹竈雲裏何人響珮環
七十二峰觀不盡那知仙境在人間

奉和馬廷璽僉憲

叨陪憲節上丹臺頓覺昏昏倦眼開
雲竇暗迴山欲斷石橋橫架水還來
三天門下青藜杖五老峰前玄露杯
笑領仙童歌一曲不知身世在蓬萊

夜宿舟中呈王工部

明時不用歎歌牛祗恨東風易白頭賓館久懸徐穉榻
客帆今共李膺舟紙屏石枕三山夢明月蘆花兩岫秋
江北何人吹玉笛渚雲飛盡水悠悠

陳錦衣七夕娶婦

金風薦爽夜迢迢靈鵲新成渡漢橋見說仙姬來萼綠
更聞佳客賦桃夭錦筵羅綺搖銀燭洞府雲璈間玉簫
不用乘槎觀勝事人間天上總非遙

病起書懷

窓前草色綠簾褰病起凭欄思不堪
戀闕烏鴉還向北
隨陽鳴雁盡歸南
機中錦字憑誰織
馬上家書懶自緘
幾為鄉思轉成賦
回看庾信獨多慚

詠竹夫人

湘水為神玉作肌
文園病客鎮相隨
涼生蕙帳憑君力
夢入巫山獨爾知
固寵可能迷漢主
專房應不妬西施
虛心恩愛何時斷
祇恐秋風怨別離

七夕

素榆飛影蘸銀河帝女含愁罷玉梭塵世幾人新得巧
仙槎有客舊傳訛梧將秋信風前落鵲報佳期月下過
悵望牽牛情默默彩橋何處駕瓊波

聞雞

獨宿西軒酒未醒雞聲愁向枕前聽未拋俗事謀身拙
欲伴山僧養性靈夜靜每懷滄海月天邊遙望太微星
少年志氣空豪放老去江邊一草亭

答陳文厚

露下天高星漢秋長江十里稱閒遊雁聲縹緲煙連樹
月色浮沉水滿洲笑折黃花聊插帽酣歌白苧久停舟
知君不負滄洲約何日重盟海上鷗

不寐

藤牀布被冷如冰簫鼓通宵睡不能往事蕭條慙薄宦
老年辛苦愧高僧窓虛月色雙蓬鬢夜半雞聲一瓦燈
扶杖起來天欲曙東方隱隱日初升

正志亭口號

三徑初成喜動顏
葛巾藜杖往來閒
池通小浦春潮滿
竹長疎籬笋籜斑
花町風恬蜂亂入
松林煙暝鶴雙還
扁舟更有滄浪興
歛乃漁歌落照間

五言絕句三首

天高風露寒
寧怯衣衫薄
何處歌滄浪
漁舟沙際泊
山擁一輪月
江涵萬里天
新詩潛水怪
折葦澹寒煙
潮來西送君
潮退復東下
相對坐忘言
天高月在野

林璧

字世南璧之弟成化戊戌進士歷官叅議別號葵軒卒于襄陽官舍稿多遺失

都下寄諸兄弟

客懷牢落不勝秋，眼底風光任去留。
夜雨每驚春草夢，寒雲偏惹夕陽愁。
馬嘶塞北頻看雁，門掩西風怕倚樓。
追逐風塵空擾擾，何如煙水一孤舟。

送羅大人致政

遂却初衣卸錦衣，俸資充買子陵磯。
梧桐岡鳳去青天濶，狼鬣星明北斗輝。
陶澤菊松三徑在，朱家書畫一船歸。
鷗鷺潭水腥風起，愁殺江頭白鷺飛。

和韻

每歎浮名繫此身清風高節是何人
庭前種杏飄紅玉竹裏行厨膾錦鱗
春水魚遊波泛泛糟牀酒滴醪醕醕
一閒之外無餘事不愧當年古逸民

林址

字世定號季弟別號文山隱居不仕

題海山一嘯樓

獨上高樓一望通海山遙見日初紅
千林樹木蒼茫裏萬壑煙霞縹緲中
龍浦雨餘魚變化藍田日暖玉玲瓏

荆花正值連枝秀兄弟怡怡笑語同

宿酒

酒帶春醒猶未解小槽仍報酒如泉人同北海開樽飲
我自西窓擁被眠白髮蕭條愁曉鏡紅顏消瘦怯春妍
遙看昆玉聯成韻盡是珠璣玉露篇

林塗

字世增成化丙午鄉進士以子鈺貴封浙江
道監察御史別號青霞更號翠庭有青霞集

桃花歌

東風昨夜來水涯南園物色爭春華桃花亂點凡幾樹

燦如紅錦耀晴葩林間霧散含香露池邊日落蒸明霞
游蜂戲蝶不自惜轉覺春意空中譁既非玄都道士觀
又豈天台仙子家由來崑崙山下植不吐秦時避世花
漁舟隔浦滄浪遠野外迢迢一徑斜呼童策杖乘春入
一壺家醞寧須賒大拚酩酊花前醉放情歌詠窮幽遐
莫遣桃花浪相笑等閒吹落空咨嗟

感懷

江村寂寞早梅香時序驚心對夕陽短翮未飛雲路上

閒情已結鶴巢傍天邊雲散月當戶花下人來酒滿觴
與世寡諧真自笑半生蹤跡任踈狂

飲枕峰寺席上謾成

五虎嵒高落日紅巍巍雄峙楚王宮欲知白社何人共
且喜清樽此日同丹桂花香晴捧露青松枝老畫嘲風
浮生閒日能多少却喜淵明醉遠公

石倉歷代詩選卷四百三十九